



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანანგვარა

ანანგვარა (აფხ. ა-ნან-ი-გუარა, ნან-ი-გუარა – ნანთა სადგომი), ბრინჯაოს ხანის ნახევრად მეგალითური ნაგებობა, რ-შიც ზაფხულობით მწყემსების ბინები და საქონლის სადგომები იყო მოწყობილი.

აფხ. ხალხურ ზეპირსიტყვიერებაში შემონახულია გადმოცემები ა-ის შესახებ. ერთნი მას ქონდრის კაცთა (აფხ. „ანან“) საცხოვრისად თვლიან, მეორენი – დას.-ქართ. ერთ-ერთი ტომის – ნანების (ა-ნან-ი გუარა) სადგომად, ე. ი. განსაზღვრულ ეთნ. ჯგუფს უკავშირებენ.

ა. ქვის რთული ნაგებობაა. შედგება ოთხკუთხა ან მრგვალი სახლებისაგან. აღნაგობის მიხედვით გაირჩევა განცალკევებული ა-ები და ა-თა ჯგუფები, რ-ებიც ნაგებობათა კომპლექსებს ქმნიან. ამ უკანასკნელებს აფხაზები „ნანთა ქალაქს“ (აფხ. „ანანაა რიქალაქ“) უწოდებენ. ა-ები გავრცელებულია კავკასიის ალპ. ზონაში, განსაკუთრებით მდ. ბზიფიდან მდ. ენგურამდე. ადრინდ. ბრინჯაოს ხანის მეჯოგეთა მსგავსი სადგომი აღმოჩენილია არქეოლ. გათხრების დროს თეთრი წყაროს მახლობლად.

ბრინჯაოს ხანაში მეჯოგეთა მკვიდრი საზაფხულო საცხოვრისების მშენებლობა სამთაბარო მესაქონლეობის განვითარებაზე მიუთითებს. ა-ებს მეჯოგეები დიდხანს იყენებდნენ. აფხაზეთში დადასტურებულია ა-ების გადახურვა და გამოყენება უახლეს ხანაშიც.

ლიტ.: ა დ ა მ ი ა ი., ქართული ხალხური ხუროთმოძღვრება, წგ. 2, თბ., 1968; ჯ ა ნ ა შ ი ა ს., თუბალ-თაბალი, ტიბარენი, იბერი, შრომები, ტ. 3, თბ., 1959; Б ж а н и я Ц. Н., Из Истории хозяйства абхазов, Сух., 1962; И н а л - И п а Ш. Д., Страницы исторической этнографии абхазов, Сух., 1971.

